

2008 nr. 82 12. júní

Lög um almannavarnir

Tóku gildi 1. júní 2008, birt í Stjóri. 19. júní 2008. Breytt með: L. 162/2010 (tóku gildi 1. jan. 2011). L. 84/2011 (tóku gildi 30. júní 2011 nema 1. gr. og c-liður 14. gr. sem tóku gildi 1. sept. 2012). L. 126/2011 (tóku gildi 30. sept. 2011). L. 32/2013 (tóku gildi 1. júní 2013). L. 59/2013 (tóku gildi 1. júlí 2013). L. 51/2014 (tóku gildi 31. maí 2014 nema 3. og 4. gr. sem tóku gildi 1. jan. 2015). L. 90/2018 (tóku gildi 15. júlí 2018; EES-samningurinn: XI. viðauki reglugerð 2016/679). L. 71/2019 (tóku gildi 5. júlí 2019). L. 27/2020 (tóku gildi 3. apríl 2020). L. 16/2021 (tóku gildi 30. mars 2021). L. 75/2021 (tóku gildi 1. júlí 2021).

Ef í lögum þessum er getið um ráðherra eða ráðuneyti án þess að málefnaði sé tilgrein sérstaklega eða til þess vísað, er átt við **dómsmálaráðherra** eða **dómsmálaráðuneyti** sem fer með lög þessi.

I. kaffli. Almenn ákvæði.

■ 1. gr. Markmið almannavarna.

- Lög þessi taka til samhæfðra almannavarnaviðbragða til þess að takast á við afleidningar neyðarástands sem kann að ógna lífi og heilsu almennings, umhverfi og/eða eignum.
- Markmið almannavarna er að undirbúa, skipuleggja og framkvæma ráðstafanir sem miða að því að koma í veg fyrir og takmarka, eftir því sem unnt er, að almenningur verði fyrir líkams- eða heilsutjóni, eða umhverfi eða eignir verði fyrir tjóni, af völdum náttúruhamfara eða af mannavöldum, farsóta eða hernaðaraðgerða eða af öðrum ástaðum og veita líkn í nauð og aðstoð vagna tjóns sem hugsanlega kann að verða eða hefur orðið.

■ 2. gr. Umsjón almannavarna.

- Ríkið fer með almannavarnir á landinu öllu, hvort heldur sem er á landi, í lofti eða á sjó. Sveitarfélög fara með almannavarnir í héraði, í samvinnu við ríkisvaldið, svo sem kveðið er á um í lögum þessum.

II. kaffli. Stefnumörkun í almannavarna- og öryggismálum.

■ 3. gr. Hlutverk almannavarna- og öryggismálaráðs.

- Stefna stjórnvalda í almannavarna- og öryggismálum skal mörkuð af almannavarna- og öryggismálaráði til þriggja ára í senn. Í almannavarna- og öryggismálstefnu stjórnvalda skal gera grein fyrir ástandi og horfum í almannavarna- og öryggismálum í landinu, fjalla um áhersluatriði varðandi skipulag almannavarna- og öryggismála, forvarnastarf, nauðsynlega samhæfingu á efni viðbragðsáætlana og starfsemi opinberra stofnana á því sviði, sbr. VI. kafla laga þessara, nauðsynlegar birgðir til þess að tryggja lífsafkomu þjóðarinnar á hættutínum, endurreisin eftir hamfarir og aðrar aðgerðir sem ráðið telur nauðsynlegar til þess að markmið laga þessara náið.
- Umsýsla vegna almannavarna- og öryggismálaráðs og undirbúningur vegna funda þess er í hóndum [ráðherra er fer með málefni almannaoürggís].¹⁾

¹⁾ L. 126/2011, 487. gr.

■ 4. gr. Skipan almannavarna- og öryggismálaráðs.

- [Í almannavarna- og öryggismálaráði eiga sæti sá ráðherra sem fer með málefni almannavarna- og öryggismálaráðs, sem jafnframt er formaður þess, ráðherra er fer með málefni almannaoürggís, ráðherra er fer með málefni mengunarvarna, ráðherra er fer með heilbrigðismál, ráðherra er fer með orkumál og ráðherra er fer með varnarmál og samskipi við önnur ríki.]¹⁾ Par að auki er [þeim ráðherra er fer með málefni almannavarna- og öryggismálaráðs]¹⁾ heimilt að kveðja allt að two ráðherra til setu í ráðinu í senn vegna sérstakra mála.

- [Einnig eiga ráðuneytisstjórar þeirra ráðuneyta sem fara með málaflokka skv. 1. mgr. sæti í almannavarna- og öryggismálaráði. Þá eiga einnig sæti í ráðinu:]

1. Ríkislöggreglustjóri, forstjóri Landhelgisgæslu Íslands, ...²⁾ forstjóri [Fjarskiptastofu],³⁾ [forstjóri Samgöngustofu og forstjóri Vegagerðarinnar].²⁾

2. Veðurstofustjóri, brunamálastjóri og forstjóri Umhverfisstofnunar.

3. Landlæknir, sóttvarnalæknir og forstjóri Geislavarna ríkisins.

4. Orkumálastjóri og forstjóri Landsnets.

5. Fulltrúi Slysavarnafélagsins Landsbjargar.

6. Fulltrúi Rauða kross Íslands.

7. Fulltrúi samræmdrar neyðarsvörunar.]¹⁾

□ Að auki skipar [sá ráðherra er fer með málefni almannavarna- og öryggismálaráðs]¹⁾ two fulltrúa til setu í ráðinu samkvæmt tilnefningu Sambands íslenskra sveitarfélaga.

¹⁾ L. 126/2011, 487. gr. ²⁾ L. 59/2013, 36. gr. ³⁾ L. 75/2021, 32. gr.

III. kaffli. Skipulag almannavarna á landinu öllu.

■ 5. gr. Æðsta stjórni almannavarna.

□ [Ráðherra er fer með málefni almannaoürggís]¹⁾ er æðsti yfirmaður almannavarna í landinu. Hann gefur út reglur²⁾ um almannavarnastig að fenginni tillögu ríkislöggreglustjóra og að höfðu samráði við almannavarna- og öryggismálaráð.

□ Ríkislöggreglustjóri annast málefni almannavarna í umboði [ráðherra].³⁾ Ríkislöggreglustjóri tekur ákvörðun um almannavarnastig hverju sinni í samráði við viðkomandi löggreglustjóra ef unnt er og tilkynnt það [ráðherra].³⁾ Heimilt er að lýsa yfir almannavarnaástandi þegar neyðarástand er líklegt, er yfirvofandi eða ríkir eða sambærilegar aðstæður eru fyrir hendi.

□ Við embætti ríkislöggreglustjóra starfar í Reykjavík samhæfingar- og stjórnstöð undir sérstakri stjórn, sbr. V. kafla laga þessara.

¹⁾ L. 126/2011, 487. gr. ²⁾ Rg. 650/2009. ³⁾ L. 162/2010, 193. gr.

■ 6. gr. Tímabundinn flutningur á stjórni almannavarna.

□ [Ráðherra]¹⁾ er heimilt að fára stjórni almannavarnaáðgerða frá Reykjavík þegar yfirgæfandi líkur eru á því að almannavörnum landsins verði ekki stjórnað þaðan.

¹⁾ L. 162/2010, 193. gr.

■ 7. gr. Verkefni ríkislöggreglustjóra á svíði almannavarna.

□ Ríkislöggreglustjóri hefur umsjón með að ráðstafanir séu gerðar í samræmi við stefnu stjórnvalda í almannavarna- og öryggismálum.

□ Ríkislöggreglustjóri hefur eftirlit með skipulagi almannavarna á landinu öllu og eftirlit með almannavörnum sveitarfélaga. Hann hefur eftirlit með gerð hættumats í samráði við almannavarnanefndir. Hann tekur þátt í undirbúningi og gerð viðbragðsáætlana ríkis og sveitarfélaga, sbr. VI. kafla laga þessara, og hefur eftirlit með endurskoðun þeirra og samhæfingu. Auk þessa hefur ríkislöggreglustjóri eftirlit með gerð viðbragðsáætlana einkaaðila. Hann hefur með höndum eftirlit með samhæfingu viðbragðsaðila og annarra aðila, sbr. 8. gr., og með stjórn aðgerða bæði áður og eftir að hættu ber að garði.

□ Ríkislöggreglustjóri skipuleggur forvarnir og almenningsfræðslu á svíði almannavarna, svo og fræðslu einkaaðila, stjórnvalda og almennings um skipulag almannavarnakerfisins eftir því sem þurfa þykir. Auk þess annast ríkislöggreglustjóri þjálfun og fræðslu á svíði almannavarna.

□ Ríkislöggreglustjóri tekur þátt í alþjóðlegu samstarfi stjórnvalda um almannavarnir.

■ 8. gr. Um samninga við þriðja aðila.

- Ríkislögreglustjóra er heimilt að semja við sjálfseignarstofnanir, félagasamtök eða aðra aðila um að þeir skuli annast framkvæmd almannavarna á tilteknu sviði.
- Samningur um framkvæmd aðila á almannavörnum samkvæmt þessari grein er háður samþykki [ráðherra].¹⁾

¹⁾ L. 162/2010, 193. gr.

IV. kafli. Skipulag almannavarna í héraði.

■ 9. gr. Almannavarnanefndir.

- Í hverju sveitarfélagi starfar almannavarnanefnd sem sveitarstjórn skipar og ákveður sveitarstjórnin fjölda nefndarmanna. Almannavarnanefnd skal skipuð [löggreglustjóra]¹⁾ þess umdæmis sem sveitarfélagið er í, fulltrúum úr sveitarstjórn og þeim fulltrúum sveitarstjórnin sem í starfi sínu sinna verkefnum í þágu öryggis hins almenna borgara. . .¹⁾
- Almannavarnanefnd kýs sér sjálf formann og varaformann. Sveitarstjórnir ráða starfsmenn almannavarnanefnda og greiða kostnað af störfum þeirra.
- Sveitarstjórnin er heimilt að vinna saman að gerð viðbragðsáætlunar, semja um gagnkvæma aðstoð eða koma á fót sameiginlegri almannavarnanefnd. Sameining almannavarnanefnda eða samstarf þeirra er háð staðfestingu [ráðherra].²⁾ [Ráðherra ákveður hvaða löggreglustjóri skuli sitja í almannavarnanefnd ef fleiri en eitt löggregluumdæmi falla undir nefndina].¹⁾ Ef ein almannavarnanefnd er í umdæmi löggreglustjóra skal hann sitja í nefndinni.

¹⁾ L. 51/2014, 12. gr. ²⁾ L. 162/2010, 193. gr.

■ 10. gr. Hlutverk almannavarnanefndra.

- Almannavarnanefndir móta stefnu og skipuleggja starf sitt að almannavörnum í héraði í samræmi við lög þessi.
- Í umdænum sínum vinna almannavarnanefndir að gerð hættumats og viðbragðsáætlana, í samvinnu við ríkislögreglustjóra, sbr. 16. gr.
- Almannavarnanefndir skulu endurskoða hættumat og framkvæma prófanir á viðbragðsáætlunum í samvinnu við ríkislögreglustjóra.

■ 11. gr. Aðgerða- og vettvangsstjórn í héraði.

- Stjórn aðgerða í héraði þegar almannavarnaástand ríkir er í höndum löggreglustjóra í viðkomandi löggregluumdæmi. Hann situr í aðgerðastjórn ásamt fulltrúa almannavarnanefndar, fulltrúa Slysavarnafélagsins Landsbjargar, fulltrúa Rauða kross Íslands, hlutaðeigandi viðbragðsaðila, sbr. viðbragðsáætlun, svo og öðrum hlutaðeigandi aðilum sem tengjast aðgerðum hverju sinni. Aðgerðastjórn starfar í samvinnu við samhæfingar- og stjórnstöð. Í stjórn aðgerða felst m.a. skipulag björgunar- og hjálparstarfa vegna hættu eða tjóns sem getur eða hefur skapast og að stýra neyðaraðgerðum í samvinnu við samhæfingar- og stjórnstöð, sbr. 12. gr.
- Löggreglustjóri tilnefni vettvangsstjóra er fari með stjórn og samhæfingu á vettvangi.

V. kafli. Samhæfingar- og stjórnstöð.

■ 12. gr. Hlutverk samhæfingar- og stjórnstöðvar.

- Í samhæfingar- og stjórnstöð fer fram samhæfing og yfirstjórn almannavarnaáðgerða með hliðsjón af almannavarnastigi og viðeigandi viðbragðsáætlun. Þar getur einnig farið fram samhæfing hvers kyns aðgerða við leit og björgun á landi, sjó og í lofti eða viðbragða við hættuástandi þótt ekki hafi verið lýst yfir almannavarnaástandi, sbr. 13. gr.
- Í almannavarnaástandi starfa í stjórnstöðinni fulltrúar viðbragðsaðila almannavarna og ber þeim skylda til að fara að fyrirmælum þess aðila sem stýrir samhæfingu aðgerða úr samhæfingar- og stjórnstöð samkvæmt viðbragðsáætlun. Nú

er ágreiningur um hvaða fyrirmæli skuli gefin og sker þá ríkislögreglustjóri úr. Ákvörðun ríkislögreglustjóra samkvæmt þessu ákvæði verður ekki skotíð til [ráðherra].¹⁾

- Samhæfingar- og stjórnstöð skal hafa aðgang að öruggu fjarsskiptakerfi, sem er óháð og aðskilið frá almennum fjarsskiptakerfum, vegna samskipta við viðbragðsaðila almannavarna.

□ Samhæfingar- og stjórnstöð lýtur ellefu manna stjórn sem [ráðherra]¹⁾ skipar. Formaður stjórnar skal skipaður af ráðherra án tilnefningar. Ríkislögreglustjóri, Landhelgisgæsla Íslands, landlæknir, stjórn slökkviliðs höfuðborgarsvæðisins, stjórn samræmstrar neyðarsvörunar, Rauði kross Íslands, Flugstöðir og stjórn Slysavarnafélagsins Landsbjargar tilnefna hver sinn fulltrúa í stjórnina og skulu þeir valdir úr hópi þeirra sem taka virkan þátt í starfi samhæfingar- og stjórnstöðvarinnar. [Auk þess tilnefnið stjórn Sambands íslenskra sveitarfélaga einn fulltrúa].²⁾

□ Stjórnin ræðir og tekur ákværðanir um innra skipulag, rekstur og samstarf viðbragðsaðila. Stjórnin beitir sér fyrir ráðstöfunum til að tryggja snurðulausa framkvæmd viðbragðsáætlana. Samhæfing eða framkvæmd aðgerða er ekki á verksviði stjórnar.

□ Stjórnin getur ákveðið að viðbragðsaðilar almannavarna, sem ekki eiga fulltrúa í stjórn samhæfingar- og stjórnstöðvar, tilnefni fulltrúa í samhæfingar- og stjórnstöðvarráð sem er stjórninni til ráðuneytis við ákværðanir hennar.

□ Ríkislögreglustjóri ræður umsþónarmanн samhæfingar- og stjórnstöðvarinnar að fenginni tillögu stjórnar stjórnstöðvarinnar. Kostnaður af starfsemi samhæfingar- og stjórnstöðvar greiðist úr ríkissjóði.

¹⁾ L. 162/2010, 193. gr. ²⁾ L. 162/2010, 257. gr. Þar segir að 3. málsl. orðist svo en augljóslega er átt við 4. málsl.

■ 13. gr. Verkefni samhæfingar- og stjórnstöðvar.

□ Samhæfingar- og stjórnstöð skal virkuð þegar nauðsyn krefst að mati þeirra sem koma að stjórn leitar, björgunar eða viðbragða við hættuástandi.

□ Almannavarnanefnd eða viðbragðsaðili almannavarna getur óskað eftir því að samhæfingar- og stjórnstöð annist stjórn aðgerða vegna tiltekinnar hættu. Ef ágreiningur er í almannavarnanefnd eða á milli viðbragðsaðila um það hvort leita skulu til samhæfingar- og stjórnstöðvar getur hvor aðili um sig óskað eftir því við ríkislögreglustjóra að samhæfingar- og stjórnstöð taki við stjórn aðgerða. Áður en ríkislögreglustjóri tekur ákvörðun í málunum skal hann kanna afstöðu viðkomandi löggreglustjóra til beiðninnar.

■ 14. gr. Tímabundin stofnun og rekstur þjónustumiðstöðvar.

□ Samhliða rekstri samhæfingar- og stjórnstöðvar er ríkislögreglustjóra heimilt, þegar hættu ber að garði eða hún er um garð gengin, að stofna tímabundið þjónustumiðstöð vegna tiltekinnar hættu eða hættuástands.

□ Verkefni þjónustumiðstöðvarinnar skulu m.a. felast í upplýsingagjöf til almennings og þjónustu við þá aðila sem hafa orðið fyrir tjóni og hin tiltekna hætta hefur haft önnur bein áhrif á. Auk þess skal þjónustumiðstöðin, í samvinnu við hlutaðeigandi almannavarnanefndir, annast samskipti við fjöldiðla vegna aðgerða sem gripið er til hverju sinni.

□ Ráðuneyti og sveitarfélög, þar með taldar undirstofnanir þeirra, skulu veita hinni tímabundnu þjónustumiðstöð lið við miðlun upplýsinga og þjónustu. Haft skal samráð við hlutaðeigandi sveitarstjórnir um starfsemi þjónustumiðstöðvar samkvæmt þessari grein.

VI. kafli. Gerð viðbragðsáætlana.

■ **15. gr.** *Skylda ríkisvalds til að gera viðbragðsáætlanir.*
 Einstök ráðuneyti og undirstofnanir þeirra skulu, í samvinnu við ríkislöggreglustjóra, kanna áfallaþol þess hluta íslensks samfélags sem fellur undir starfssvið þeirra. Þá skulu einstök ráðuneyti og stofnanir á þeirra vegum, í samvinnu við ríkislöggreglustjóra og í samræmi við lög sem um starfssviðið gilda, skipuleggja fyrirhuguð viðbrögð og aðgerðir samkvæmt viðbragðsáætlun þar sem m.a. er fjallað um eftirfarandi þætti:

1. Skipulagningu aðgerða.
 2. Viðbúnað viðbragðsaðila, m.a. liðsafla, þjálfun liðsafla og útbúnað og stjórnsýsluvuviðbúnað.
 3. Samgöngur og fjarskipti.
 4. Framkvæmd ráðstafana á hættustundu.
 5. Samhæfingu og stjórn aðgerða viðbragðsaðila og annarra aðila.
 6. Áfallahjálp og aðstoð við þolendur.
 7. Hagvarnir, birgðir og neyðarflutninga til og frá landi.
- Ríkislöggreglustjóri skal semja viðbragðsáætlanir varðandi þá hluta íslensks samfélags sem falla ekki undir starfssvið tiltekins ráðuneytis.
- Viðbragðsáætlanir skulu undirritaðar og staðfestar af réttum yfirvöldum.

■ **16. gr.** *Skylda sveitarfélaga til að gera viðbragðsáætlanir.*
 Sveitarfélög og stofnanir á þeirra vegum skulu, í samvinnu við ríkislöggreglustjóra, kanna áfallaþol í umdæmi sínu. Þá skulu almannavarnanefndir, í samvinnu við ríkislöggreglustjóra, gera viðbragðsáætlun í samræmi við hættumat í umdæmi þeirra. Um efni viðbragðsáætlana fer skv. 15. gr.

□ Almannavarnanefndum er heimilt að hafa samvinnu um gerð viðbragðsáætlana. Hafi almannavarnanefndir verið sameinaðar skal gerð sameiginleg viðbraggðsáætlun.

□ Ríkislöggreglustjóri skal hafa yfirumsjón með samvinnu einstakra sveitarfélaga vegna sameiginlegrar hættu svo og þegar almannavarnanefndir tveggja eða fleiri sveitarfélaga gera viðbragðsáætlun.

■ **17. gr.** *Afhending viðbragðsáætlana, æfingar og endurskoðun.*

□ Ráðuneyti, undirstofnanir þeirra og sveitarfélög skulu staðfesta viðbragðsáætlanir sínar og senda þær ríkislöggreglustjóra.

□ Þegar viðbragðsáætlun hefur verið staðfest og afhent ríkislöggreglustjóra skal hún æfð eftir því sem frekast er kostur. Ríkislöggreglustjóri, almannavarnanefndir, viðbragðsaðilar almannavarna, stofnanir ríkis og sveitarfélaga og einkaaðilar sem hafa hlutverki að gegna í skipulagi almannavarna samkvæmt samningi skulu án endurgjalds taka þátt í æfingu viðbragðsáætlunar eftir því sem þurfa þykir. Ágreiningi um skyldu til að taka þátt í æfingu má skjóta til [ráðherra].¹⁾ Viðbragðsáætlanir skal endurskoða eins oft og nauðsyn krefst.

¹⁾ L. 162/2010, 193. gr.

■ **18. gr.** *Upplysinga- og aðgerðaskylda opinberra aðila og einkaaðila.*

□ Opinberum aðilum og einkaaðilum ber skylda til að veita nauðsynlegar upplýsingar við gerð viðbragðsáætlana ríkis eða sveitarfélaga. Nú er ágreiningur um hvað teljist nauðsynlegar upplýsingar samkvæmt málsgrein þessari og er þá heimilt að leita dómsúrskurðar um málid.

□ Sérhver ráðherra getur, í samráði við ríkislöggreglustjóra, ákveðið að opinberir aðilar eða einkaaðilar skuli veita aðstoð, liðsinni eða útfæra nánar einstaka þætti laga þessara.

□ Sérhver ráðherra getur, í samráði við ríkislöggreglustjóra, ákveðið að opinberir aðilar eða einkaaðilar skuli grípa til fyrirbyggjandi ráðstafana varðandi sölu á vörum, veitingu þjónustu og framleiðslu í atvinnurekstri sínum ef þess gerist þörf til þess að markmið laga þessara náið.

□ Áður en ákvörðun er tekin á grundvelli 2. og 3. mgr. skal leitast við að semja um skyldur þeirra fyrirtækja eða stofnana sem ákvörðunin varðar og hversu mikil áhrif þær muni hafa á starfsemi þeirra.

□ Nú er heimild skv. 2. og 3. mgr. beitt og skal þá rískið bæta það tjón sem af hlýst fyrir viðkomandi aðila samkvæmt almennum reglum.

VII. kafli. Borgaralegar skyldur á hættustundu.

■ **19. gr.** *Almenn borgaraleg skylda.*

□ Það er borgaraleg skylda þeirra sem eru á aldrinum 18–65 ára að gegna á hættustundu, án endurgjalds, starfi í págu almannavarna í umdæmi þar sem þeir dveljast samkvæmt fyrrirmælum er löggreglustjóri gefur, að fengnum tillögum almannavarnanefndar eða ríkislöggreglustjóra. Ákvörðun löggreglustjóra má skjóta til [ráðherra].¹⁾

□ Kveðja má þá sem eru á aldrinum 16–18 ára eða eldri en 65 ára til starfs skv. 1. mgr., ef þeir óska þess sjálfir.

□ Þeim sem kvaddir hafa verið til starfs skv. 1. mgr. ber að koma til læknisskoðunar, ef nauðsynlegt þykir.

□ Enginn má á neinn hátt tálma því að maður gegni starfi sem hann hefur verið kvaddur til í págu almannavarna.

¹⁾ L. 162/2010, 193. gr.

■ **20. gr.** *Kvaðning til aðstoðar við almannavarnir.*

□ Ef hætta vofir yfir getur löggreglustjóri eða sýslumaður kvatt hvern fulltíða mann, sem tiltækur er, til tafarlausrar aðstoðar við störf í págu almannavarna. Ákvörðun um kvaðningu fulltíða manns til tafarlausrar aðstoðar við almannavarnir verður ekki skotið til æðra stjórnvalds.

□ Ríkislöggreglustjóri hefur ákvörðunarvald um flutning þeirra manna sem kvaddir hafa verið til tafarlausrar aðstoðar í págu almannavarna. Ef fjöldi manns eða hjálparlið er flutt á milli umdæma skal haft samráð við löggreglustjóra og almannavarnanefnd.

■ **21. gr.** *Skylda til að taka þátt í námskeiðum og æfingum.*

□ Ríkislöggreglustjóri boðar þá sem kvaddir hafa verið til starfa í págu almannavarna skv. 19. gr. til námskeiða og æfinga. Ber öllum viðkomandi að fara að þeim fyrrirmælum og öðrum starfsreglum. Óheimilt er að hverfa úr starfi án leyfis.

□ Á hættustundu má starfsmaður ekki fara úr lögsagnarumdæmi án samþykkis löggreglustjóra eða þess er hann tilnefnir.

□ Ef sá sem kvaddir hefur verið til starfa í págu almannavarna verður fyrir meiðslum eða tjóni á námskeiði eða æfingu á hann rétt á bótum.

■ **22. gr.** *Reglur um starfsskyldu.*

□ [Ráðherra]¹⁾ er heimilt að setja reglur²⁾ um starfsskyldu samkvæmt ákvæðum þessa kafla. Skal að því stefnt að starfskvöð komi sem réttlálast niður á borgarana. Ráðherra ákveður hámarkstíma fyrir skyldunám og æfingar í págu almannavarna.

¹⁾ L. 162/2010, 193. gr. ²⁾ Rgl. 226/2020.

VIII. kafli. Valdheimildir á hættustundu.

■ **23. gr.** *Almenn fyrrimæli á hættustundu.*

□ Á hættustundu er löggreglustjóra heimilt að ákveða að taka í sínar hendur umferðarstjórn, banna dvol eða umferð á ákveðnum svæðum, svo sem með því að girða af eða hindra umferð um þau, þ.m.t. tilteknar fasteignir, taka í sínar vörlslur hættulega muni, vísa á brott eða fjarlægja fólk.

- Fyrirmælum þessum er öllum skylt að hlíta.
- **24. gr. Flutningur fólks af hættusvæðum.**
- Ríkislögreglustjóri gefur fyrirmæli um brottnutning fólks af hættusvæði.
- Nú eru fyrirmæli gefin skv. 1. mgr. og er þá öllum skylt að halda brott á þeirri stundu, á þann hátt og til þess móttökustastaðar sem ákveðinn er. Engum er heimilt án sérstaks leyfis að fara af móttökustað.
- **25. gr. Heimild til leigunáms.**
- [Ráðherra]¹⁾ getur, þegar hættu ber að garði, ákveðið að taka leiguþámi fasteignir eða lausafé í eigu einkaaðila, í þágu almannavarna, enda komi bætur fyrir eftir samkomulagi eða á grundvelli mats samkvæmt lögum um framkvæmd eignarnáms. Stofnumunum ríkis og sveitarfélaga er skylt á hættustundu að ljá til almannavarna fasteignir og lausafjármuni, eftir því sem við verður komið, án sérstaks endurgjalds.
- Heimild skv. 1. mgr. felur enn fremur í sér að gera má hverjar þær breytingar á viðkomandi fasteignum eða lausafjármunum sem þörf er á til að þær komi að tilætluðum notum í þágu almannavarna.

¹⁾ L. 162/2010, 193. gr.

■ **26. gr. Skyldur eigenda og umráðamanna húsnaðis.**

- Ríkislögreglustjóra er heimilt, ef brýna nauðsyn ber til, að gefa eiganda eða umráðamanni húsnaðis fyrirmæli um að taka við fólk sem flutt hefur verið af hættusvæði, veita því húsaskjól og annan viðurgjörning eftir því sem aðstæður krefjast.
- Sveitarfélag sem flutt er frá greiðir kostnað vegna húsnaðis og fæðis, sem látið er í té samkvæmt þessari grein, en á kröfu um endurheimt á hendur þeim sem fyrirgreiðslunnar hafa notið.

■ **27. gr. Um fyrirmæli um sölu og dreifingu nauðsynja.**

- Ríkisstjórmanni er heimilt, ef almannahell krefur vegna hættu á náttúruhamförum, farsótum, hernaðaraðgerðum, hryðjuverkum eða annarrar hættu, að gefa út fyrirmæli um sölu og dreifingu nauðsynja sem til eru í landinu eða taka eignarnámi matvæli, eldsneyti, varahluti, lyf og aðrar nauðsynjar sem hætta er á að gangi fljótt til þurrðar.

IX. kaffi. Rannsóknarnefnd almannavarna.

■ **28. gr. Skyldur rannsóknarnefndar.**

- Rannsóknarnefnd almannavarna starfar sjálfstætt og óháð stjórnvöldum og öðrum rannsóknaraðilum, ákærvaldi og dómstólum.
- Rannsóknarnefnd almannavarna skal að loknu hættuástandi rannsaka þær viðbragðsáætlanir sem stuðst var við og viðbrögð viðbragðsaðila, þar á meðal vaktstöðvar samræmadrar neyðarsvörunar, samhæfingar- og stjórnstöðvar, lögreglu, slökkviliðs, landhelgsgæslu og almannavarnanefnda.

■ **29. gr. Skýrsla rannsóknarnefndar.**

- Nú er rannsókn skv. 2. mgr. 28. gr. lokið og semur þá rannsóknarnefnd almannavarna skýrslu til [ráðherra],¹⁾ ríkislögreglustjóra og [allsherjar- og menntamálanefndar]²⁾ Alþingis um niðurstöður nefndarinnar, tillögur og annað sem nefndinni þykir mali skipta.

Skýrslan skal kynnt hlutaðeigandi almannavarnanefnd og sveitarstjórnum og birt opinberlega að virtum ákvæðum 31. gr. og ákvæðum upplýsingalaga.

Skýrslum rannsóknarnefndar almannavarna skal ekki beitt sem sönnunargögnum í opinberum málum.

¹⁾ L. 162/2010, 193. gr. ²⁾ L. 84/2011, 42. gr.

■ **30. gr. Skipan rannsóknarnefndar almannavarna.**

- Alþingi kýs þrjá menn og þrjá varamenn hlutfallskosningu til fimm ára til setu í rannsóknarnefnd almannavarna. Nefndin kýs sér formann. Með nefndinni starfar maður sem skal fullnægja skilyrðum til að gegna embætti heraðsdómara.
- [Nefndarmenn rannsóknarnefndar almannavarna og starfsmenn hennar eru bundrir þagnarskyldu skv. X. kaffa stjórnsýslulaga.]¹⁾

¹⁾ L. 7/2019, 5. gr.

■ **31. gr. Heimildir rannsóknarnefndar.**

- Rannsóknarnefnd almannavarna skal hafa óhindraðan aðgang að gögnum viðbragðsaðila almannavarna og er þeim skylt að veita nefndinni hverjar þær upplýsingar sem hún óskar.
- Rannsóknarnefndinni er óheimilt að veita aðgang að trúnaðargögnum sem nefndin aflar í tengslum við rannsókn einstakra mála. Til trúnaðargagna teljast m.a. álitsgerðir, sem aflað hefur verið í tengslum við rannsókn máls, og skýrslur vitna og annarra aðila.
- Að öðru leyti en greinir í ákvæðum þessa kafla skal í starfi nefndarinnar fara eftir [lögum um rannsókn samgönguslys] ¹⁾ eftir því sem við á.

¹⁾ L. 32/2013, 6. gr.

X. kaffi. Um skiptingu kostnaðar vegna almannavarna.

■ **32. gr. Skipting kostnaðar á milli ríkisvalds og sveitarfélaga o.fl.**

- Kostnaður vegna skyldna ríkisins skv. II., III., VI. og IX. kafla laga þessara greiðist úr ríkissjóði. Kostnaður vegna verkefna sveitarfélaganna skv. IV. og VI. kafla greiðist af hálfu sveitarfélaga.
- Ef sveitarfélög hafa samstarf um skyldur sínar samkvæmt þessum lögum þá skal skipta kostnaði á milli þeirra samkvæmt fáum.

XI. kaffi. Refsiákvæði.

■ **33. gr.**

- Hver sá sem uppvís er að því að gefa af ásetningi eða stórkostlegu gáleysi ranga tilkynningu til samhæfingar- og stjórnstöðvar skv. V. kafla laga þessara eða viðbragðsaðila almannavarna eða misnota að öðru leyti þjónustu þessara aðila varðandi almannavarnir skal sæta refsingu skv. 120. gr. og 120. gr. a almennra hegningarlaga.

XII. kaffi. Reglugerð og gildistaka.

■ **34. gr.**

- [Ráðherra]¹⁾ setur með reglugerð²⁾ nánari ákvæði um flokkun almannavarnastiga almannavarna, inntak þeirra og viðbrögð, um frekara skipulag samhæfingar- og stjórnstöðvar og þjónustumiðstöðva skv. V. kafla að höfðu samráði við Samband íslenskra sveitarfélaga, um öryggiskröfur neyðarfjarskiptakerfis samhæfingar- og stjórnstöðvarinnar . . .³⁾ um störf stjórnar samhæfingar- og stjórnstöðvar og samhæfingar- og stjórnstöðvarráðs, svo og hverjur skuli teljast viðbragðsaðilar almannavarna.

Þá setur [ráðherra],¹⁾ að fenginni tillögu ríkislögreglustjóra, reglugerð⁴⁾ um efni og gerð viðbragðsáætlana skv. 15. og 16. gr. Ráðherra er og heimilt að kveða í reglugerð nánar á um samræmda gerð og samningu einstakra viðbragðsáætlana, fjölda æfinga og tengsl við almannavarnastig.

[Ráðherra]¹⁾ setur í reglugerð nánari ákvæði um starfsemi rannsóknarnefndar um almannavarnir, svo sem hver skuli kalla á rannsókn nefndarinnar, hafi hún ekki sjálf frumkvæði að rannsókn, og um vinnslu persónuupplýsinga hjá nefndinni

að svo miklu leyti sem hún fellur ekki undir lög um persónuvernd og [vinnslu]⁵⁾ persónuupplýsinga.

Forsætisráðherra setur reglugerð⁶⁾ um starfshætti allmennavarna- og öryggismálaráðs í samráði við [ráðherra].¹⁾

¹⁾ L. 162/2010, 193. gr. ²⁾ Rg. 100/2009. Rg. 650/2009. ³⁾ L. 162/2010, 257. gr. ⁴⁾ Rg. 323/2010. ⁵⁾ L. 90/2018, 54. gr. ⁶⁾ Rg. 459/2009.

■ **35. gr.**

Lög þessi öðlast gildi 1. júní 2008. . . .

Reglugerðir og önnur stjórnvaldsfyrirmæli sem sett eru samkvæmt eldri lögum skulu halda gildi sínu að svo miklu leyti sem þau fara ekki í bága við lög þessi. Þá skulu sam-

ingar sem gerðir voru í tíð eldri laga halda gildi sínu uns þeir verða endurskoðaðir af hálfu samningsaðila.

Ákvæði til bráðabirgða.

■ **I.**

Reglur skv. 1. mgr. 5. gr. skal setja eigi síðar en í árslok 2009. Fram að þeim tíma skulu gilda reglur sem dómsmála-ráðherra setur eftir tillögum ríkislöggreglustjóra.

■ **II.**

[... ¹⁾] ²⁾] ³⁾

¹⁾ Fellt úr gildi skv. 2. mgr. ²⁾ L. 16/2021, 1. gr. ³⁾ L. 27/2020, 1. gr.